

Pilipi

Galagât den.

¹ Galalupnetņe, net Paulo akto Timoteo net Yesu Kristogât hoņ bawa manmâ gaet. Netņe Pilipi kepia Yesu Kristogât kâmot ye akto yengât damunlupyene yengât kulem ire kat yengiwerâm kulemgoet. Kulemgom katetņe mem oyaņmâ nâņgâm heņgemgoweı.

² Ewenenņe Anutu akto Humonenņe Yesu Kristo yâkņe damunyene akmâ okot âlep akyengimbela biwiyene sândugeâkgât ulilaņmaet.

Pauloņe Pilipi yengât akmâ Anutu ulilaņep.

³ Nâ yengât Anutu ulilaņberâm âmâ Anutuņe wan me wan akyengimbo manman âlepņe akmâ manmai aregât Anutu âlepņerâm mepaimņe me-man.

⁴ Nâņe ye hârokgât hokboâk hokboâk ulilaņman âmâ ainâk yengât pat nâņgâm arekņeak biwinân miawakto heroņe akman.

⁵ Akto yeņe nâ den pat âlepņe makyengim man-mangât hokboâk hokboâk tân nugum gambiâ huragumap aregât heroņe akman. Akto Anutuņe wan akyengiep aregât mepai aņmâ heroņe akmâ ulilaņman.

⁶ Akto areâk bo. Anutuņe yengâlân âi keiņe kalepgât mem metembo Yesu Kristoņe purik katmâ miawakbiapgât sopņe miawakto ain ye huraguwaigât nâņgân. Amâ Anutuņe ye huragum kinbaigât dâp nâņgâmap.

⁷ Galalupne, nâ ye hain nângâ yengiman aregât nângâre huragumap. Akto Anutuŋe nekto ârândân akmap. Amâ hingât. Nâ den pat âlepŋe makyengire siânbaŋe den aregât hâkân akmâ kala busi kâlegen katnegi. Akto den pat âlepŋe bunŋerâm siânbaŋe makbiâ den pat âlepŋe are gewop dâm âi humo mem malân. Aregât Anutuŋe nâ tân nugumap yâkŋe ye hainâk tân yengumap aregât nâ yengât okot âlep nângân.

⁸ Galalupne, ire maktere Anutuŋe ekto bunŋe aktâp. Yesu Kristoŋe okot âlep akyengimap dop hainâk nâkai ye okot âlep akyengiman.

⁹ Are hainâk humo akmâ âgâwiapgât ulilaŋdân. Hingât ulilaŋdân. Wan me wan bâleŋe me âlepŋe are oyaŋmâ potatmâ âmâ okotyene dondâ nângâ anŋiwaigât ulilaŋdân.

¹⁰ Ye hain akbai âmâ benŋe yeŋe wan me wan bunŋe dondâ potatmâ heŋgemgowai âmâ Kristo miawakbiap sop ain ye biwi salek salek dosa bâlâk manbai.

¹¹ Akto Yesu Kristoŋe tân yengumbo wan me wan bunŋe ârândân unsambe olowâk mem manbai. Hain akbiâ bikŋande yekmâ Anutugât kotŋe mem agatbiâ kot akto pagaleŋe humo talaŋmâ âgâwiâp.

Bikŋande ewangi gowangiân den pat âlepŋe makyengiyi.

¹² Galalupne, pâpkowâigât nune keine makyengire nângâŋet. Nâ den pat âlepŋe maktere aregât kala busi kâlegen katnegi are nângâmbiâ biwiyeŋe bo bâliwiâp. Bo. Iren nâ siâ siâ miawakniŋep are âmâ pat âlepŋaet dâp miawakmâ heŋgemgowiap dâm aregât miawagep.

¹³ Amâ hin. Nâ Kristogât âi mendere aregât kala busi kêlegen katnegi. Den pat are tembe loko in mandâi arekne hârokne nângâyi. Haminân kepia hârok nângâyi.

¹⁴ Akto kala busi kêlegen katnegi aregât galalupne biknande uliknân hamewâk mali arekne Humogât nângâm owâi anmâ Anutugât den pat hamep bâlâk makyengim mandâi.

¹⁵ Akto hinne kâmot lâuwâ miawaktâp amâ hin. Luâk biknande Kristogât pat makberâm amâ nângât nângâmbiâ gemap akto ewangiak gowan-giak kaknân makmai.

¹⁶⁻¹⁷ Hain akmâ nâ yu kala busi kêlegen mandân ire hâk hilâlâm kaknânâk ninberâm hian-gim Kristogât kot makmâ sambelem yenjaet nângâmbiâ humo akmap. Hain akmâ kotyene mem agat-berâm akto Yesugât kâmot potalaknetgât Kristogât den makmai. Dâ biknande amâ hain bo akmai. Arekne amâ nâ den pat âlepne yaigoman aregât kala busi kêlegen katnegi are nângâm han okot âlep akniñmâ den pat âlepne makmai.

¹⁸ Are nângâm amâ hanâk Yesugât keiñe bi-wiyenande bunne bo makyengimai, me biwiyene kau kau akmâ makmai amâ âlepne nângân. Kristogât pat makbiâ sambelem ariâkgât makmai aregât nângâm mandere biwine âlepne akmap.

Paulo manmangât me momogât ukenne konogâk nângâep.

¹⁹ Akto areâk bo. Pilipi ye âkâ nângât akmâ Anutu ulilanmâ manbiâ Yesu Kristogât Heaknande tân nugumbo siâ siâ miawakniñep arekne kêrikne

niŋmap aregât bunŋe heronŋe humo miawakniŋmâ âgâwian.

²⁰ Akto aŋun bo aŋgiwian are nâŋgâre kârigembo hannande nâŋgaŋmâ manbian. Akmâ gan hain âgâk akbian. Manmangât akto momogât hâkne owâiŋe âgâk Kristo kotgâm wanŋdere arekŋe egâlian âlepŋe akbiâp.

²¹ Aregât lâuwâŋe makbe. Hânân manman amâ Kristogât akmâ manman. Dâ hinŋe mombian amâ hainâk wan me wan âlepŋe dondâŋe miawakniŋbiap.

²² Dâ hânân dewatim manbianân amâ âigât bunŋe gaetŋe mem miawakbian. Dâ aregât amâ wan arekŋaetgât owâiwe dâm makmâ han lâuwâ aktân.

²³ Nâ siâ me siâ miawakniŋdo han lâuwâ akman aregât biwine umatŋe aktâp. Hinŋe mom amâ Kristo olop manmâ âgâwian. Aregât nâŋgâm ukenŋe aktân.

²⁴ Dâ ye mându akbâi gârâmâ yeŋgât akmâ hânân gaetŋe dewatim mandere ârândâŋ akbiap.

²⁵ Aregât hin nâŋgân. Anutuŋe makto nâ ye olop manmâ tân yeŋgure nâŋgâ nâŋgâyeŋe humo akto biwiyeŋe Yesugâlân katbiâ kindo heronŋe akbai.

²⁶ Akto nâŋe hinŋe togom tân yeŋguwian aregât Yesu Kristogât akmâ nâŋgâniŋmâ heronŋe akbai.

Tân agu agu akmâ manbaen.

²⁷ Galalupne, den umatŋe ire makyenŋire nâŋgâŋet. Nâ togom yekbian me kâlêwâŋen manmâ yeŋgât pat âlepŋe nâŋgâwian aregât hin akbei. Ye Kristogât pat bâliwopgât agak meme âlepŋe areâk mem manmâ âgâwei. Hain manmâ

biwi konok akmâ tân agum den pat âlepņe makmâ hâk hilâlâm olowâk hanâk manmâ âgâwei. Akto gasalupyenande mem ge katyekberâmbiâ âmâ hanâk hamep bâlâk âi mem manmâ âgâwai.

²⁸ Tân agu agu akbiâ gasalupyenande hamep meyenġimbiâ kârikņeyeņe bo yeugewiâp. Hain akto Anutuņe yâk hepunyekbiap dâ ye meyekbiapgât keiņe mem miawaktâp.

²⁹ Aregât lâuwâņe makbe. Anutuņe ye biwiyeņe Kristogâlân kali areâk bo nâņgâ yeņġimap. Amâ Anutuņe ye biwiyeņe yâkgâlân kali akto yâkgât akmâ hâk hilâlâm kakņân manņetġât hârok Anutuņe nâņgâ yeņġimap.

³⁰ Nâņgâ yeņġimbo ye hainâk akmâ nâņe hâk hilâlâm kakņân âi meân are eġi. Dâ hinņe mandere areġât pat nâņgâi are amâ manman âi areâk yeņe hainâk mandâi. Anutuņe ye hain akbaigât magep gârâmâ gasalupyene yeņġât hamep bo akbei.

2

Yesuņe ulikņân aknengiepgât nenâkâ areâk akbaen.

¹ Galalupne, Kristoņe tân yeņġumbo biwiyene sândugemap areġât akto Kristoņe okot akyeņġimbo heroņe akmai areġât akto Anutugât Heakņande tân yeņġumbo okot âlep agaņġim han kalemņe miawakyeņġimap

² areġât nâņgâ nâņgâ konok katbei. Akto hanyenande konok tânaguwei. Akto gala konok manbei. Hain akbiâ âmâ okot âlep nâņgâm heroņe humo nâņgâwian.

³ Akto areâk bo. Yeŋaet nâŋgâ aŋgimbiâ bo agatbiâp. Bo. Hin akbei. Yeŋaet nâŋgâ aŋgimbiâ gembo âmâ galalupyenje yeŋgât nâŋgâ yeŋgimbiâ âgâwiap.

⁴ Akto siâŋe ikinjaelâk siâ siâ akmâ heŋgemgowiap akto aregâlâk bo. Galalupyenje yeŋgât nâŋgâm wan me wan bâlim yendo heŋgemgowe. Ye hârok hain akbei.

⁵ Yesu Kristo hânân manmâ gain gain agep? Ye han hainâk nâŋgâwei.

⁶ Yâk âmâ ikinjaet nâŋgâmbo bo âgâep. Yâk âmâ Anutuŋe manmap dop hainâk manmap. Akto Anutugât dop bo gangerâep.

⁷ Bo. Yâk ikinje manmanŋe hepunmâ âmâ Anutu olop dop konok malep are hepunmâ hoŋ luâk hainare akmâ malep.

⁸ Yâkgât gegeŋe akmâ manmâ Anutugât lau lokom âmâ moep. Akto lâwinân momberâm aregât hamep bo akmâ moep.

⁹ Akto Yesuŋe hain agepgât Anutuŋe mem agatmâ kotŋe humo kondo are nâŋgâenŋe humo akmâ kot patnenŋe ewangiâp.

¹⁰ Akto Anutuŋe hânân manden me himbimân mandâi me hân amukŋân mandâi nen hârok Yesugât kotŋe mem agatbaengât kotŋe konlep. Aregât nen hârok Yesugât kotŋe mem agatmâ pâwut ligianbaen.

¹¹ Akto nen hârok Yesu Kristo âmâ Humonenŋe Anutuŋe huŋgun aŋdo giep dâenŋe Ewenenŋe Anutugât kotŋe âgâwiap.

Heŋgem agum mannegât kârikŋe akniâm.

¹² Galalupne, Ye âkâ nâ ulikŋân ye olop malângât laune lokomini. Dâ hinŋe ye olop mandereânâk

bo. Aknângen mandere patne nângâm laune hârok lokowei. Aregât akmâ hengemgo yenjaet bunje peneyenjiâkgât hanokoagâk akmâ kaut orewei.

¹³ Imâ yengât dop bo. Anutuŋe yekto âlepŋe âgâkgât ukennjaet akmâ tân yengumap arekŋe yeŋe laune lokoŋetdâm kârikŋe yengimbo biwiyenŋe owâiŋe akmap.

¹⁴ Akto ye dosa me konam bâlâk manbiâ Anutuŋe yekto huraguwiapgât siâ siâ akberâm den kakŋân bo hogoanŋim hâkânŋ akbei.

¹⁵ Hain akmâ âmâ dosa bâlâk akto han kau manbiâ Anutuŋe nanne baratne yektere huraguâp dâm yengondo luâk âmbâle bâleŋe gulip manbiâ bâlimap yâk yengât hândâk hutŋân diâ hinare akmâ pagaleyekmai.

¹⁶ Pagalem kinmâ manmangât den are paŋâk mem manbei. Hain akmâ makbiâ âmâ Kristoŋe lâuwâŋe miawakmâ âmâ nâŋe tân yenguman aregât nekto huraguwiap. Hain akto nâ heroŋe akbian. Akto hinŋe hâk hilâlâm nângâm âmâ âi bo mem hâumgoân amâ Kristoŋe ekto huraguwiapgât heroŋe aktân.

¹⁷ Akto yeŋe Anutugât sumbe katberâm nâŋanmâ ulilaŋmai aregât ye tân yenguwiaPgât Anutuŋe makto mombian amâ Anutugât sumbe akbian. Are amâ hanâk aregât heroŋe akmâ ye olop okot âlep nângâm han biwi konok akbaen.

¹⁸ Akto yeŋe hainâk heroŋe akniŋbai âmâ nen hainâk heroŋe nângâ anŋiwaen.

Timoteogât den.

¹⁹ Galalupne, den siâ amâ hin makbe. Humo Yesuŋe nângâm âlepŋe dâmbo âmâ galane siâ Timo-

teo are huŋgun aŋdere yeŋgâlân togowiap. Togom yeŋgât pat ekmâ nâŋgâm purik katmâ nâŋgâlân togo makniŋdo nâŋgâm biwine âlepŋe akbiap. Aregât dowâk huŋgun aŋbian.

²⁰ Akto Timoteogât hin makbe. Luâk siâŋe yeŋgât nâŋgâm han kau olowâk tân yeŋgumap dop hinare siâ bo tatniŋdâp.

²¹ Amâ luâk bikŋande yeŋaelâk nâŋgâm âmâ Yesu Kristogât ukenŋe bo nâŋgâmai.

²² Akto Timoteogât keiŋe nâŋgâmai are. Nanŋande eweŋe tângomap dop hainâk Timoteoŋe nâ den pat âlepŋaet âi tân nugumap.

²³ Yâk âlepŋe akmap gârâmâ aregât gain gain miawakniŋbiap âmâ are nâŋgâm heŋgemgowianân âmâ huŋgun aŋdere togowiap.

²⁴ Akto areâk bo. Humoŋe nâŋgâ niŋdo nunak gai yeŋgâlân dowâk togowian. Hain nâŋgân.

Epapodito kundat agepgât den.

²⁵ Akto den siâ hin. Yeŋe yeŋgâlân gâtŋe Epapodito are huŋgun aŋbiâ togo tân nuguep aregât makbe. Aregât hanâk bât tângone akto tembe loko galane yâk dowâk huŋgun aŋdere yeŋgâlân purik katmâ togowiapgât nâŋgare ârândâŋ aktâp.

²⁶ Yâkŋe nâ umatŋân mandere tân nuguep yâkŋe yekbian dâm nâŋgâmbo humo agep. Gârâmâ kundat akto aregât nâŋgâmbiâ umatŋe akto aregât Epapodito yâk okot bâle akmâ umalaŋdâp.

²⁷ Amâ kundat momoŋe kondo momberâm agep. Hain akto Anutuŋe okot âlep akmâ tângom heŋgemgoep. Akto yâk konok bo. Epapodito mondo nâŋgâ yâkŋe âmâ kambiamne dondâ bâliwop dâm aregât heŋgemgoep.

28 Akto hanâk yeŋe ekmâ biwiyeŋe âlepŋe agâkgât akto nâ nâŋgâm hanokoakmâ manbomgât yâk bo gangerâm hinŋeâk huŋgun aŋdere yeŋgâlân togowiap.

29 Togombo aregât okot âlep nâŋgâ aŋmâ Humogât akmâ gala agaŋbei. Akto yeŋe luâk hainare tângom nâŋgaŋbiâ humo akbiâp.

30 Amâ hingât. Yâkŋe yeŋgât lau lokom âmâ ye tân nuguyigât dâp bo tatyenŋiepgât akmâ tân nugum Kristogât âi hâk hilâlâm olowâk mem âmâ momberâm agep.

3

Propete hianŋi luâkŋe Pilipi yeŋgâlân ariyi.

1 Galalupne, Bâin. Den siâ makbe. Humogât akmâ okot âlep olop heronje maronje manbei. Ulikŋân kulemgôân are lâuwâŋe kulemgom nâŋgâre amâ bo umatŋe aktâp. Dâ lâuwâŋe kulemgôân irekŋe âmâ ye kârikŋe ketuguyektâp.

2 Amâ hin, hianŋi luâkŋe yeŋgâlân togoâi. Yâk âmâ hâkyeŋe gâi gâigât ukenŋe nâŋgâmai. Akto agak meme bâleŋe akmai. Luâk hainare âmâ heyenŋimai. Akto pugaiyaŋe bau me wan me wan kawutyekmai amâ luâk arekŋe dop hainare akmâ kâwutyekberâm togomai. Aregât yeŋaet damun agaŋgim manbei.

3 Dâ nen âmâ Anutugât kâmot. Nen Anutugât Heakŋande tân nengumbo âmâ Anutugât kotŋe mem agatenŋe huraguwiâp. Akto Yesu Kristonje heŋgem nenguep aregât nâŋgâm heronje akmâ manbaen. Akto hâkgât wan me wan aregâlâk

biwinenņe bo katmâ âmâ arekņe tân nenguâkgât ukenņe bo nâņgâwaen.

⁴ Akto hâkgât wan me wanņe tân nengumbo huragumap dâine nâ hâkgât siâ siâ dondâ tatiņmap aregât nâņgâre humo akbop. Dâ hianņi luâk hâk gâi gâigât ukenņe nâņgâmai are amâ hâkgât siâ siâ tatyenņimap are nâņgât hâkgât hârok arekņe ewangiyekbop.

⁵ Aregât nâņgât hâkgât amâ hin maktere nâņgâņet. Nâ Israe gâtņe, Bensamiņ yâkgât kâmolân gâtņe miawakmâ yendere hilâm 8 akto hâknân kulem gâinegi. Hebraio nengât agak meme nâņgâre âgâminep. Akto den kârikņaet meme akmâ parisaio malân.

⁶ Kârikņenaet akmâ Yesugât kâmot yenņgât gasa agân. Akto den kârikņe are lokore siâņe nektu huraguminep.

Pauloņe Kembugât akmâ kotņe siâ siâ hârok hamianņep.

⁷ Akto yu kulemgoân iregât âmâ ulikņân nâņgâre humo agep. Dâ hinņe âmâ ektere yânņe aktâp. Hinņe amâ Kristogât akmâ nâņgâre wan me wan are hârok âmâ yânņe akmap. Akto aregât ukenņe bonâņgân.

⁸ Nâ Humone Yesu Kristo yâkgât keiņe ekmâ nâņgâre humo akmap. Aregât hângât siâ siâgât nâņgâre humo akminep are hinņe nâņgâre yânņe aktâp. Akto nâ Kristogât akberâm yâkgât pat akmâ siâ siâ hârok ekmâ gagap dâm hepunmâ meteân.

⁹ Akto nâ Mosenņe kulemgoep are lokom dosa bâlâk manbiandân amâ hinņe hepulân. Akto nâ Kristogâlân dewatim nâņgâ aņdere aregât Anutuņe

neкто ârândâņ akbiap aregât ukenņe nâņgân. Akto nâņgâ nâņgâne are Anutuņe ekto ârândâņ akbiapgât dop bo tatniņdâp aregât nâņgâ nâņgânaet nâņgâre giep.

¹⁰ Gârâmâ hingât nâņgâre humo aktâp. Momonânba agatbiangât nâ Kristo biwinande nâņgâ anđere Kristo momonânba agalep arekņe wâtņe niņdo yâk hâk hilâlâm nâņgâm moep

¹¹ are dop hainâk akmâ nâņgâm yâkgâlân dewatim momonânba agatbiangât nâņgâm bo mesokbian are nâņgâre humo akbiap.

Pauloņe kârikņe akmâ horalân pirâm arieņe.

¹² Galama, yu kulengoân imâ emelâk hârok mendere huraguâp dâm aregât bo maktân. Bo. Yesu Kristoņe menegepgât agak meme âlepņe mem miawak niņâkdâm âi kârikņe mem manmâ gan.

¹³ Akto agak meme âlepņe are miawakniņbiap are pânân boâk meaktân. Aregât hin konok akman. Nâ nunaet nâņgâre hain bo aktâp. Dâ siâ me siâ hepulân are hamianman. Akto wan me wan meân are ektere yânņe aktâp. Dâ agak memene âlepņe huragumap are hârokgât ukenņe nâņgâm are miawakniņâk dâm âi humo meman.

¹⁴ Akto Anutuņe Yesu Kristogât akmâ himbingât pat oloņ nekmâ hâuņe âlepņe katniņep are mem miawakberâm dewunnande tâņâk ekmâ âi humo mem pirâm kaut oreman.

¹⁵ Nâ hain akman aregât kaulem humo agion nen hârokņe aregâlâk kârigem nâņgâm maniâm. Dâ siâ me siâ siâgât nâņgâmbiâ dâpņe siâ akbiawân

âmâ âlepne Anutuje hanyenje mem pagalembô âlepne nângâm kotgâwai.

¹⁶ Akto nen hârok hin aktenje huragumap. Nen keinjân agak meme âlepne are hârok emelâk mendenje ârândân agep are hârok miawagâkgât agak meme âlepne hainâk mem metewaen.

¹⁷ Galalupne, ulikjân akyengire nekmâ hainâk watnekbei. Akto luâk bikjande nen manmaen dop hainâk manmâ akyengimai are ekmâ nângâm hejgemgowe.

¹⁸ Dâ luâk bikjande Kristo lâwinân moep aregât den mem ge katberâm akmai are hain bo akbei. Yâk yengât keiyenje emelâk makyengim mandân. Imâ indem kambiamne bâliâpgât lâuwâje makyengiwe. Yâk âmâ Yesu lâwinân moep aregât den pat âlepne gasa agarjmai.

¹⁹ Akto luâk âmbâle hainare âmâ hambâi hâuje bâleje umatje miawakyengimbo itinj gulam akbai. Dâ hinje âmâ sotgât akmâ aregâlâk nângâmbiâ humo akmap. Akto siâ me siâ anunje olowâk aregâlâk nângâm heronje maronje manmai. Akto hângât kotje siâ siâ han nângâ nângâ yenjande lâwindâk mem metemai.

²⁰ Dâ nen âmâ hain bo akbaen. Nengât kepia bunje amâ himbimân tatâp. Ainba Humonenje Yesu Kristonje hejgem nenguwiap Humo arekne lâuwâje gewiap yâkgât lâmgom manmaen.

²¹ Hain mandenje miawakmâ luâk siâ me siâ hârok mem ge katyekmâ ikinje amukjân hâwuruyekbiapgât kârikne yeandâp. Kârikne arekne hâknenje mem manmaen ire mem purik kato ikinje hâkne hainare pagaleje olowâk miawakbaen.

4

Pauloŋe galalupŋe biwi konok kinmâ heroŋe akŋetgât magep.

¹ Galalupne, biwinande yengât dondâ nâŋgâmâk aktâp. Ye âmâ nâŋgât egâlianŋlupne aregât wan kulemgoân are watmâ âmâ benŋe Kembu olop manmâ kârigem henŋemgowai.

² Akto yengâlân gâtŋe âmbâi lâuwâ kotyetŋe Eudodia akto Sintike yet kuk akmandat are yetgât hin makyetkire nâŋgâet. Humogât akmâ biwi konok akmâ manbiandat.

³ Akto yengât damun siâ tânnugumat gâ hin makŋindere nâŋgâ. Gâŋe âmbâi lâuwâ yetkondân are tân yetkumenâ biwi konok akmâ âlepŋe manbiandat. Akto areâk bo. Luâk siâ kotŋe Kelemento akto gala bikŋe yâkŋe pat âlepŋaet âi aregât tân nuguyi are yengât kotyene amâ manman kârikŋaet kulem esenŋân kulemgoep aregât tân nenguyiat aregât tânyetkuwen.

⁴ Galalupne, ye hârok yengât hin makbe. Ye Humogât akmâ biwi kambiamyene herone akmâ manbei. Aregât lâuwâne makbe. Humonenŋande wan me wan akmap aregât nâŋgâm âmâ biwi kambiamyene herone manbei.

⁵ Akto Humonenŋe ewumâk aknengiâpgât luâk hârok yeukŋe lumbe akyeŋgimbiâ nâŋgâwai.

⁶ Akto wan me wangât nâŋgâm âmâ horat gorat me hanokoak bo akbei. Bo. Hin akbei. Hokboâk hokboâk hingât me haingât akmâ Anutu me-paimŋe mem ulilanmâ makmâ manbei.

⁷ Hain akbiâ aregât Anutuŋe memene akyeŋgimbo biwiyene sândugewiap are luâk

nen ewanginenekmapne han nângâ nângâyene Kristo Yesugâlân mendugum kondangombo yem kârigewiâp.

⁸ Akto galama den bâine ire makbe. Wan me wan bunje me wan me wan siâ âlepne agakne olop are nângâmbiâ humo akto aregâlâk nângâm manbei. Akto wan me wan siâ luâk âmbâlene nângâmbiâ âlepne akmap me Anutu ne ekto ârândân akmap me wan me wan bâlene bo aregâlâk nângâm manbei. Akto wan me wan ekmâ Anutu mepai anmâ herone akmai are hârok nângâm manbei.

⁹ Akto nâ wan me wan akmâ meân a hainâk akmâ manbei. Akto siâ siâ makmâ ligim yengire nângâyi a hainâk akmâ manbei âmâ Anutu lumbe ambonande ye olop mando biwiyene sândugewiâp.

Pilipi gâtnande Paulo tângombiâ Paulone Anutu mepaimne miep.

¹⁰ Galalupne, uliknân wan me wan akniñberâm dâpgât kulâgâtmâ hâumgoyi. Hâumgombiâ umatne miawagep. Dâ hinne dâp miawak yengimbo kambiam owâinân tân nugum puli katbiâ togoep. Togombo okot âlep humo nângân.

¹¹ Akto puligât me siâ siâgât umburuk akmâ bo kulâgâtmâ manman, akto niñnetgât bo makyengiân. Akto siâ siâgât bo egâlianman. Nâ wan me wan siâ tatniñdâp me umburuk mandân aregât kambiamne bo bâlimap.

¹² Nâ mesak gosak umburuk mandân me wan me wan undup yeniñdâp amâ âlepne mandân. Nem tepne pikto manman me mop manman

aregât keiŋe hârok nâŋgâm meteân aregât hin me hain siâ me siâ miawakniŋdo âmâ âlepŋe manman.

¹³ Aregât keiŋe hin. Kârikŋe niŋmapŋe yâkŋe tân nugumbo âmâ wan me wan hârok akmâ meteman.

¹⁴ Dâ yeŋe âmâ kambiam bâliân mandere tân nugum heŋgem nuguyi aregât nâŋgâre huraguâp.

¹⁵ Akto ye emelâk nâŋgâi. Nâ den pat âlepŋe mem yeŋgât hân humo kotŋe Makedonia ain togoân. Ain pup pup togom âmâ makyenŋire nâŋgâm metembiâ âmâ hepunyeŋân. Hepunmâ hân siângen ain mandere Yesugât kâmot siâ siâ bo tân nuguyi. Pilipi gâtŋe yeŋe konok amâ tân nuguyi.

¹⁶ Akto ye hepun yekmâ Tesalonike kepiân mandere hâkgât siâ siâne tân nuguâkgât katbiâ togoep.

¹⁷ Akto nâ ito me puligât bo egâlianân. Bo. Yeŋe tân nugumbiâ aregât Anutuŋe hâuŋe âlepŋe akyenŋimbo manman âlepŋân manŋetgât nâŋgâman.

¹⁸ Akto wan me wangât ulikŋân undâgâtmâ mandere Epapoditoŋe yeŋgâlânba mem togo niŋdo âlepŋe mandân. Akto yeŋe nâ wan me wan niŋi aregât nâŋgâre benŋe Anutuŋe âkâ nâŋgâmbo sumbe âlepŋe higenŋe olowâk heronŋe akmâ âgâmbo nâŋgâmap dop hainâk aktâp.

¹⁹ Akto yeŋe tân nuguyi aregât hin nâŋgân. Anutu damunne akmap yâkŋe Yesu Kristogât nâŋgâm akyenŋiwiap. Akto wan me wan akyenŋiwiap amâ yânŋe bo. Pagalenânba Yesu Kristogât akmâ wan me wangât yeŋe umburukŋe akbai are ârândânŋ akyenŋiwiap.

²⁰ Akto Anutu Ewenenŋe yâkgâlâk âmâ kotŋe

mem agatmâ herone marone akmâ âgâwaen. A bundâk.

Den bâine.

²¹ Galalupne, nângât den bo aktâpgât nâne Yesu Kristogât kâmot yengâlân manmai are yengât nângân are makyengiwei. Akto galalupne Yesugât kâmot nâ olop mandâi yâkne hainâk yengât nângâ yengiâi.

²² Akto in âmâ Roma luâk Sisa yâkgât hon bawalupne yengâlân gâtne bikne biwiyene Yesugâlân kali yâkne gai nângâyengiâi.

²³ Akto Humonenne Yesu Kristone damunylene akto biwiyene sândugeâkgât ulilandân.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

03f82704-6ad1-5094-a78e-e240d9f2d4f8